


詩醇
二十一
陸

土岐文庫
文庫17
W64
23



文庫 17
W64
23

御選唐宋詩醇卷之四十四

山陰陸游詩三

目錄

西巖翠屏閣

雨中山行至松風亭忽澄霽

贈宋道人

獵罷夜飲示獨孤生

秋晚登城北門

莫秋

御選唐宋詩醇

卷四十四

陸游

昭和六十年二月一日贈
土岐善吉磨氏寄

010185191210

數日暄妍頗有春意予閑居無日不出遊戲
作

江樓醉中作

曳策

謁漢昭烈惠陵及諸葛公祠宇

大雪歌

訪客至西郊

夜寒

故蜀別苑在成都西南十五六里梅至多有

兩大樹夭矯若龍相傳謂之梅龍予初至蜀
嘗爲作詩自此歲常訪之今復賦一首丁酉
十一月也

閑意

書雨

莫冬夜宴

謁石犀廟

江上散步尋梅偶得絕句

大醉梅花下走筆賦此

廣都江上作

道室夜意

城南王氏莊尋梅

遊諸葛武侯書臺

晉州披風榭拜東坡先生遺像

南定樓遇急雨

舟中對月

涪州道中

北巖

忠州禹廟

龍興寺吊少陵先生寓居

遊萬州岑公洞

萬州放船過下巖小雷

楚城

舟出下牢關

峽口夜坐

初到荊州

阻風

小雨極涼舟中熟睡至夕

岳陽樓

黃鶴樓

白雪堂登四望亭因歷訪蘇公遺跡至安國院

舟行蘄黃閒雨霽得便風有感

長風沙

登賞心亭

將至京口

沂谿

冬夜聞雁有感

月夕

自雲門之陶山肩輿者失道行亂山中有茅舍小塘極幽遠求見主人不可意其隱者也

園中雜書

池亭夜賦

雙清堂夜賦

橋南納涼

初秋夢故山覺而有作

別建安

紫谿驛

月巖

聞雁

春雨

南窗睡起

感舊絕句

夏日晝寢夢遊一院闕然無人簾影滿堂惟

燕蹋箏弦有聲覺而聞鐵鐸風響璆然殆所
夢也邪因得絕句

書懷絕句

雨後極涼料簡篋中舊書有感

秋夜

雨夜

豐城高安之閒憇民家景趣幽邃爲之慨然
懷歸

寄奉新高令

予欲自嚴買船下七里灘謁嚴光祠而歸會
灘淺陸行至桐廬始能泛江因得絕句

辛丑正月三日雪

雪霽歸湖上過千秋觀少畱

題山家壁

憶昔

秋夜

九月三日泛舟湖中作

新寒

湖邨月夕

橫塘

蔬圃

五雲門晚歸

夜汲井水煮茶

寄朱元晦提舉

乍晴風日已和泛舟至扶桑埭徘徊西邨久
之

攜甕尊醉梅花下

城西接待院後竹下作

幽居春夜

晨起

春遊

八月十四日夜湖山觀月

夜聞秋風感懷

草書歌

夜泊水郵

三妙相歸將至杜浦堰舟中作

御選唐宋詩醇卷之四十四

山陰陸游詩三

西巖翠屏閣

把酒孤亭半日留西巖獨擅鶴山秋也知絕境終

難賦且喜閑身得縱遊鶻起危巢時磔磔鹿鳴深

澗暮吻吻人生適意方為樂甲第朱門祗自囚

五六造語幽絕寂歷之境宛然在目

雨中山行至松風亭忽澄霽

煙雨千峯擁髻鬟忽看青嶂白雲間卷藏破墨營



邱筆卻展將軍著色山

贈宋道人

我不如昔人騎鶴上九天。玉簡奏事虛皇前。平生
青養氣。麤全兩脚馳走輕如煙。鳥道懸崖忽飛蹇。
戲擲短劍聲鏗然。轉盼跳下千仞淵。已復取劍升
層巔。騰猿俊鶴爭後先。饑食松花掬飛泉。金骨絲
髓漸凝堅。口哦七字黃庭篇。西來欲訪挾彈僊。丹
經劍訣更精研。嗟哉一失五百年。作詩付子勿妄
傳。

獵罷夜飲示獨孤生

白袍如雪寶刀橫。醉上銀鞍身更輕。帖草角鷹掀
兔窟。憑風羽翦作鳴。鳴關河可使成。南北豪傑誰
堪共。死生欲疏萬言投。魏闕燈前攬筆涕。先傾

直從胸臆流出如聞撫髀之歎

秋晚登城北門
幅巾藜杖北城頭。卷地西風滿眼愁。一點烽傳散
關信。兩行雁帶杜陵秋。山河興廢供搔首。身世安
危入倚樓。橫槊賦詩非復昔。夢魂猶繞古梁州。

神似少陵

莫秋

時序中年速風霜客路長孤愁巴月白清夢楚山
蒼燈暗秋銜壁鐘疎夜殷牀端居有微祿不敢恨
殊方

數日暄妍頗有春意予閑居無日不出遊戲

作

小春花蕾索春饒已有暄風入紫貂邨路雨晴鳩
婦喜射場草綠雉媒驕苑邊結客飛金勒樓上誰

城北門

莫秋

閑居出遊

二

家弄玉簫莫怪夕陽歸獨後早梅喚我度谿橋

原註

蜀宣華苑在
摩訶池上

江樓醉中作

淋漓百榼宴江樓秉燭揮毫氣向道天上但聞星
主酒人閒寧有地理憂生希李廣名飛將死慕劉
伶贈醉侯戲語佳人頻一笑錦城已是六年留

原註

退之詩云越女
一笑三年留

曳策原註遊
房園作

慈竹蕭森拱廢臺醉歸曳策一徘徊紛紛落日牛

御選唐宋詩序

卷四百

陸游

江樓醉中作

曳策

三

卷四之三

羊下黯黯長空霰雪來三峽猿催清淚落兩京梅
傍戰塵開客懷已是淒涼甚更聽城頭畫角哀

觸緒即來自是此翁忠悃與杜陵無二賞其氣之

蒼老

謁漢昭烈惠陵及諸葛公祠宇

雨止風益豪雪作雲不動淒涼漢陵廟衰草臥翁
仲畫妓空笙等土馬關羈鞅壤沃黃犢耕柏密幽
鳥呀尙想忠武公身任社稷重整整渭上營氣已
無岐雍少須天意定破賊寔患眾興亡信有數星

隕事可痛陵邊四五家茆竹居接棟手取紙上箔

原註居民皆以造紙爲業醅熟酒鳴甕雖嗟生理微亦足追饑

凍劉葛固雄傑閱世均一夢論高常近迂才大本

難用九原不可作再拜臨風慟

潘問奇曰事未必然聊爲孔明吐氣

大雪歌原註累日作雪竟不成戲賦此篇

長安城中三日雪潼關道上行人絕黃河鐵牛僵

不動承露金盤凍將折虬鬚豪客狐白裘夜來醉

眠寶釵樓五更未醒已上馬衝雪卻作南山遊千

年老虎獵不得一剪橫穿雪皆赤挈空爭死作雷
吼震動山林裂崖石曳歸擁路千人觀髑髏作枕
皮蒙鞍人閒壯士有如此胡不來歸漢天子

一腔豪氣千古奇文覺希逸雪賦直是兒女情多

風雲氣少

訪客至西郊

城○城○敗○葉○飛○黯○黯○寒○雲○低○邨○墟○與○市○里○觸○目○一○慘○
悽○今○日○病○體○輕○駕○言○適○城○西○丹○柿○滿○野○店○青○帘○出○
江○隄○獵○騎○載○雉○兔○樵○檐○懸○鶉○雞○居○人○各○自○得○使○我○

念○故○谿○故○谿○不○敢○說○况○復○朝○金○閨○傷○哉○鬻○雪○翁○歲
晚○猶○牧○羝○下○愚○不○自○還○大○惑○終○身○迷○君○恩○何○由○報
力○耕○愧○黔○黎○

夜寒

清○夜○焚○香○讀○楚○詞○寒○侵○貂○褐○歎○吾○衰○輕○冰○滿○研○風
聲○急○忽○記○山○陰○夜○雪○時○
車○故○蜀○別○苑○在○成○都○西○南○十○五○六○里○梅○至○多○有
昔○年○兩○大○樹○天○矯○若○龍○相○傳○謂○之○梅○龍○予○初○至○蜀
嘗○為○作○詩○自○此○歲○常○訪○之○今○復○賦○一○首○丁○酉

十一月也

昔年曾賦西郊梅。茫茫去日如飛埃。卽今衰病百事嬾。陳迹未忘猶一來。蜀王故苑翠已遍。散落尙有千雪堆。朱樓玉殿一夢破。煙蕪收笛遺民哀。兩龍臥穩不飛去。鱗甲脫落生莓苔。精神最遇雪月見。氣力苦蹙冰霜開。羈臣放士耿獨立。淑姬靜女知誰媒。摧傷雖多意愈厲。直與天地爭春回。蒼然老氣壓桃杏。笑我白髮心尙孩。微風故爲作嫵媚。一片吹入黃金壘。

詩以言情賦物而情不至不足以爲詩。羈臣放士耿獨立。淑姬靜女知誰媒。蓋亦黯然自傷矣。

閑意

柴門雖設不曾開。爲怕人行損綠苔。妍口漸催春意動。好風時捲市聲來。學經妻問生疎字。嘗酒兒斟激灑盃。安得小園寬半畝。黃梅綠李一時栽。

書雨

仲冬候始寒。丙夜天正黑。雨來挾風助。吼擊不遺力。聲如拔高山。勢若伐強國。初憂老柏折。遂恐石

筍。踏。乾。坤。本。無。心。百。神。各。効。職。蛟。龍。鬪。歲。暮。豪。橫。
理。莫。測。農。功。幸。已。成。龍。怒。亦。會。息。屋。漏。何。足。言。袖。
手。姑。默。默。

信手拈來輒成奇語中間接筆尤為健絕

暮冬夜宴

官機錦茵金蹙鳳。舞娃釵墮雙鬟重。寶爐三尺香。
吐霧。畫燭如椽風不動。主人愛客情無已。箏聲未。
斷。歌聲起。亦知百歲等朝露。便恐一歡成覆水。爐。
紅。酒。綠。春。為。回。坐。上。梅。花。連。夜。開。堂。前。只。尺。異。氣。

候冰合平池霜壓階

妙於諷諭風人之遺

謁石犀廟

兩過石犀祠登堂一歎欷。江回陵谷變碑斷市朝。
非。原註有王蜀荒圃連寒壠斜陽映夕霏興亡俱。
昨夢惆悵跨驢歸。

江上散步尋梅偶得絕句

小南門。原註萬里橋門外野人家。短短疎籬綠白。
沙紅稻不須鸚鵡啄清霜催放兩三花。

陸游 謁石犀廟 江上散

大醉梅花下走筆賦此

閉門坐歎息。不飲輒千日。忽然酒興生。一醉須一
 石。擔頭花易老。旗亭酒常窄。出郊索一笑。放浪謝
 形役。把酒梅花下。不覺日既夕。花香襲襟袂。歌聲
 上空碧。我亦落烏巾。倚樹吹玉笛。人閒奇事少。頗
 謂三勅敵。酒闌江月上。珠樹挂寒壁。便疑從此僊。
 朝市長埽迹。醉歸亂一水。頓與異境隔。終當騎梅
 龍。海上看春色。原註梅龍蓋蜀苑中故物也

風流清興如在目前

廣都江上作

微波不搖江。纖雲不行天。我來倚杖立。天水相澄
 鮮。平遠望不盡。日落自生煙。梅花耿獨立。雪樹明
 前川。好風吹我衣。春色已粲然。東邨聞酒美。買醉
 上漁船。

道室夜意

寒泉漱酒醒。午夜誦仙經。茶鼎聲號蚓。香盤火度
 螢。齋心守元牝。閉目得黃寧。寄語山中友。因人送
 茯苓。

從選唐詩 卷四 夜意 城南王氏莊尋梅

黃庭經何不食氣太和精故能不死入黃室注
卽黃庭也

城南王氏莊尋梅

涸池積稿葉。茆屋圍疎籬。可憐庭中梅。開盡無人
知。寂寞終自香。孤貞見幽姿。雪點滿綠苔。零落尙
爾奇。我來不須晴。微雨正相宜。臨風兩愁絕。日暮
倚筇枝。

骨格不凡

遊諸葛武侯書臺

沔陽道中草離離。臥龍往矣空遺祠。當時典午稱
猾賊。氣喪不敢當。王師定軍山前寒。食路至今人
祠丞相墓。松風想像梁甫吟。尙憶幡然奮三顧。出
師一表千載無。遠比管樂蓋有餘。世上俗儒宜辨
此高臺。當日讀何書。

警策語故不在多

涪州披風榭拜東坡先生遺像

蜿蜒回顧山有情。平鋪十里江無聲。孕奇蓄秀當
此地。鬱然千載詩書城。高臺老仙誰所寫。仰視俯

御選唐宋詩 卷四 陸游 遊諸葛武侯書臺 九 卷四之

蘇東坡遺像 南定樓遇雨

宇寒崢嶸百年醉魂吹不醒飄飄風袖筇枝橫爾
來逢迎厭俗子龍章鳳姿我眼明北扉南海均夢
耳謫墮木自白玉京惜哉畫史未造極不作散髮
騎長鯨故鄉歸來要有日安得春江變酒從公傾

南定樓遇急雨

行遍梁州到益州今年又作度瀘遊江山重複爭
供眼風雨縱橫亂入樓人語朱離逢峒獠棹歌款
乃下吳舟天涯住穩歸心懶登覽茫然卻欲愁
屬對之妙神韻自然不可湊泊

舟中對月

百壺載酒遊凌雲醉中揮袖別故人依依向我不
忍別誰似峨嵋半輪月月窺船窗挂淒冷欲到渝
州酒初醒江空裊裊釣絲風人靜翩翩葛巾影哦
詩不睡月滿船清寒入骨我欲仙人間更漏不到
處時有沙禽背船去

涪州道中

遠客喜歸路清遊逾昔聞雨添山翠重舟歷浪花
分洛叟經名世張侯勇冠軍原註郡境有伊川先
生故居及張翼德祠

御選唐宋詩醇 卷四十四 陸游 舟中對月 涪州道中 十 卷四十四

懷人不可覲。袖手對燼熏。

北巖原註有程正叔先生祠堂

艤船涪州岸。攜兒北巖遊。搖櫂橫大江。褰裳躡高樓。雨昏山半失。江漲地欲浮。老矣宜再來。為作竟日留。烏帽程丈人。閉戶本好修。駭機一朝發。議罪至竄投。黨禁久不解。胡塵暗神州。修怨以稔禍。哀哉誰始謀。小人無遠略。所懷在私讐。後來其鑑茲。賦詩識巖幽。

持論嚴正所見者大集中如此等作於君子小人

之。分判若黑白。足以觀其所處矣。

忠州禹廟

古郡巴蠻國。空山夏禹祠。鴉歸暗庭柏。巫拜薦江離。草蔓青緣壁。苔痕紫滿碑。欲歸頻悵望。回棹夕陽時。

雖非橘柚龍蛇之比。亦老氣無敵。

龍興寺弔少陵先生寓居

中原草草失承平。戍火胡塵到兩京。扈蹕老臣身萬里。天寒來此聽江聲。

雙管齊下一寫兩枝

張完臣曰草草二字狀盡衰世景象謂之咏少陵可謂之自咏亦可

遊萬州岑公洞

原註岑公隋時人居此二十年得道仙去

大業征遼發閩左軍興書檄煎膏火此時也復有閑人自引巖泉拾山果後六百歲吾來遊洞中正夏淒如秋乳石牀平可坐臥水作珠簾月作鉤十年神遊八極表浮名坐覺秋豪小試問岑公迎我不鶴飛忽下青松杪

萬州放船過下巖小畱

畫船四月滿旗風飲散匆匆鷁首東醉裏偏憐江水綠意中已想荔枝紅斷碑零落莓苔遍幽澗淙潺略約通一疋宜無好東絹憑誰畫此碧玲瓏

楚城

江上荒城猿鳥悲隔江便是屈原祠一千五百年間事只有灘聲似舊時

王士正曰歸州在江北山巔江南有楚臺山山上有楚王臺及舊秭歸城三閭大夫實產是鄉

王龜齡詩城郭舊為夔子國人民多是楚王孫
 陸放翁詩江上荒城猿鳥悲隔江便是屈原祠
 一千五百年間事只有灘聲似舊時何仲默詩
 古郡山頭數家住客舟江上一燈明竹枝慣聽
 巴人曲鳥道纔通楚國程荒山寒日江聲怒號
 獨坐吟此數詩不必猿鳴三聲淚霑裳也
 張完臣曰聲味都盡而語氣不斷此之謂詩

舟出下牢關

大舸凌驚濤飛度青玉峽虛壁雲濛濛陰洞風颯

颯拂天松蓋偃入水山脚插炎曦忽摧破亭午手
 忘筭懸知今夜喜月白宿沙夾曠哉七澤遊盟鷗
 不須歎

押韻皆穩

峽口夜坐

二峽至此窮兩壁猶峭立估船無時行婦盃有夜
 汲風生樹影動月碎水流急草根綴微露螢火飛
 熠熠吾行已四旬纔抵楚西邑浩歌散鬱陶還舟
 覺衣溼

初到荊州

萬里泛仙槎。歸來鬢未華。蕭蕭沙市雨。淡淡渚官
花。斷岸添新漲。高城咽晚笳。船窗一樽酒。半醉落
烏紗。

阻風

沙市三日風。萬鼓鳴船頭。欲去不得發。臥對青燈
幽。聽兒誦離騷。可以散我愁。微言入孤夢。恍與屈
宋遊。睡起銅瓶響。欣然喚茶甌。吾道無淹速。風伯
非所尤。

小雨極涼舟中熟睡至夕

舟中一雨埽飛蠅。半脫綸巾臥翠藤。清夢初回宿
日晚。數聲柔櫓下巴陵。

盧世灌曰：只末一句有多少蘊含在。

岳陽樓

身如病鶴短翅翎。雨雪飄灑號沙汀。天風忽吹不
得住。東下巴峽泛洞庭。軒皇張樂雖已矣。此地至
今朝。百靈雄樓岌業鎮。吳楚我來舉手捫天星。帆
檣纔放已隱隱。雲氣亂入何冥冥。龜鼉出沒蛟鱓

橫浪花遮盡君山青黃衫仙翁喜無恙袖劍近到
城南亭眼前俗子敗人意安得與翁同醉醒

黃鶴樓

手把仙人綠玉枝吾行忽及早秋期蒼龍闕角歸
何晚黃鶴樓中醉不知江漢交流波渺渺晉唐遺
跡草離離平生最喜聽長笛裂石穿雲何處吹
別出機軸逸然清負結語運化入妙幾於滅盡針
線之迹

自雪堂登四望亭因歷訪蘇公遺迹至安國

院

我醉飛屐登孱顏拄杖出沒風煙間三山葱朧蛟
鰐靜九關肅穆虎豹閑幾年金骨煉綠髓此日始
得窮躋攀老僊歸侍紫皇案空有野水流淙潺蜿
蜒翠阜圍綠野似嶺非嶺山非山回來龍蛇滿雪
壁雷電下取何時還名花亦已天上去居人指似
題詩處九十一翁不識公我抱此恨知無窮原註
院已廢海棠亦不復在安國老僧景滋
年九十一自言東坡去黃後四年方生
舟行蘄黃聞雨霽得便風有感

陸游 歷訪蘇公遺迹 舟 卷四四之五

天青雲白十分晴。帆飽舟輕盡日行。江底魚龍貪
晝睡。淮南草木借秋聲。好山縹渺何由住。華髮蕭
條只自驚。莫怪時人笑疎嬾。宦情元不似詩情。

長風沙

江水六月無津涯。驚濤駭浪高吹花。鵬聲已出雁
翅浦。荻夾喜人長風沙。長風自古三巴路。檣竿參
差雜煙樹。南船北船各萬里。淒涼小市相依住。歌
呼雜沓燈火明。黃昏風死浪亦平。勞苦舟師剩沽
酒。安穩明朝到池口。

登賞心亭

蜀棧秦關歲月道。今年乘興卻東遊。全家穩下黃
牛峽。半醉來尋白鷺洲。黯黯汀雲瓜步雨。蕭蕭木
葉石城秋。孤臣老抱憂時意。欲請遷都涕已流。

將至京口

臥聽金山古寺鐘。三巴昨夢已成空。船頭坎坎回
帆鼓。旗尾舒舒下水風。城角危樓晴靄碧。林間雙
塔夕陽紅。銅瓶愁汲中濡水。不見茶山九十翁。
原註
頃在京口嘗取中濡水寄曾文清公

陸游 登賞心亭 將至京 卷四之五

沂谿

射的峯前禹廟東。短蓬三扇臥衰翁。閑攜清聖濁
賢酒。重試朝南。莫北風。水落痕畱紅蓼節。雨來聲
滿綠蒲叢。衝煙莫作匆匆去。擬看溪丁下釣筒。

冬夜聞雁有感

從軍昔戍南山邊。傳烽直照東駱谷。軍中罷戰壯
士閑。細草平郊恣馳逐。洮州駿馬金絡頭。梁州毬
場日打毬。玉杯傳酒和鹿血。女真降虜彈箜篌。大
呼拔幟思野戰。殺氣當年赤浮面。南遊蜀道已低

摧猶據胡牀。飛百箭。豈知蹭蹬還江邊。病骨不復
能開弦。夜聞雁聲起太息。來時應過桑乾磧。

豪邁一往壓倒高岑

月夕

開戶滿庭雪。徐看知月明。微風入叢竹。復作雪來
聲。俗塵不待埽。凜然肝肺清。邨深無漏鼓。鶴唳報
三更。

以雋語寫幽致列子御風冷然善也

自雲門之陶山肩輿者失道行亂山中有茅

舍小塘極幽邃求見主人不可意其隱者也
 陂池幽處有茅堂井臼蕭條草樹荒小鴨怯波時
 聚散病蔬傷蠹半青黃童兒衝雨收魚網婢子聞
 鐘上佛香我亦暮年思屏迹數椽何計得連牆

園中雜書

殘花委地筍掀泥香椀詩囊到處攜幽夢欲成誰
 喚覺半窗斜日鷓鴣啼

池亭夜賦

池上小亭幽清宵秉燭遊荷盤時瀉露螢火早知

秋有感歲時速無聲河漢流殊方不堪住歸夢繞
 滄洲

雙清堂夜賦

陸子病少閒獨臥谿上堂人靜魚自躍風定荷更
 香素月行中天流螢失孤光歸鳥飛有聲度此十
 里塘嗟我獨何事遲暮客異鄉太息搔短髮起視
 夜未央

妙於體物流螢失孤光與螢火早知秋各有妙理
 風定荷更香風定池蓮自在香亦復各成妙句前

後三詩不妨並存

橋南納涼

曳杖來追柳外涼。畫橋南畔倚胡牀。月明船笛參差起。風定池蓮自在香。半落星河知夜久。無窮草樹覺城荒。碧筒莫惜頽然醉。人事還隨日出忙。

初秋夢故山覺而有作

陂水白茫茫。草煙溼霏霏。牧童一聲笛。落日無餘暉。遙山已漸隱。邨巷亞竹扉。老翁延我入。苦謝柿栗微。幸逢歲有秋。一醉君勿違。念此動中懷。命駕

吾將歸

別建安

欹帽揚鞭晚出城。驛亭燈火向人明。多情葉上蕭蕭雨。更把新涼送客行。

紫谿驛

原註信州谿山縣

雲外丹青萬仞梯。木陰合處子規啼。嘉陵棧道吾能說。略似黃亭到紫谿。

筆有天趣此作運化工部下篇又用太白皆極鑪錘之妙

月巖

幾年不作月巖遊。萬里重來已白頭。雲外連娟何所似。平羌江上半輪秋。

淡淡自合刻劃卽失之矣

聞雁

過盡梅花把酒稀。熏籠香冷換春衣。秦關漢苑無消息。又在江南送雁歸。

張完臣曰可謂深至

春雨

冬早土不膏。愛此春雨四郊農事興。老穉迭歌舞。相呼長沮耕。分喜樊遲圃。豐年已在日亭。障靜桴鼓我歸未有期。一官寄倉庾。幸復寬簡書。不敢恨羈旅。

平平寫去澹雅可愛。豐年十字抵得一篇喜雨亭記

南窗睡起

夢中忘卻在天涯。一似當年錦里時。狂倚寶箏歌白紵。醉移銀燭寫烏絲。酒來郫縣香初壓。花送彭

州露尚滋。起坐南窗成絕歎。玉樓乾鵲誤歸期。

盧世淮曰三四俊爽自是佳句

書漏迢迢暑氣清。不妨小倦帶餘醒。夢從隴客聲中斷。愁向湘屏曲處生。風度簾旌紅浪飈。窗明香岫碧雲橫。閑情賦罷憑誰寄。帳望壺天白玉京。

感舊絕句

鵝黃酒邊綠荔枝。原註鵝黃廣漢酒名綠荔枝出敘州摩訶池上納涼時。冰紈不畫驂鸞女。卻寫江南白紵辭。
盧世淮曰有世外音響當於空際遇之

夏日晝寢夢遊一院闐然無人簾影滿堂惟

燕。蹋箏弦有聲覺而聞鐵鐸風響。寥然殆所夢也。邪因得絕句

桐陰清潤雨餘天。簷鐸搖風破晝眠。夢到畫堂人。不見一雙輕燕蹴箏絃。

書懷絕句

不到天台三十年。草菴猶記宿雲邊。老僧曉出松門去。手挈軍持取澗泉。

絕句源出樂府但取神韻趣在有意無意之間唐

人推青蓮龍標二家擅場作者妙處深得風人之
致視唐殆無愧色此不可以時代拘者也

雨後極涼料簡篋中舊書有感

日映小雨不至晡雨雖未足涼有餘細泉泠泠咽
幽竇清吹策策驚高梧笠澤老翁病蘇醒欣然起
理西齋書十年燈前手自校行閒顛倒黃與朱區
區樸學老自信要與萬卷歸林廬爾來世俗好變
古鑿空飾詐無根株愀然撫几三太息力薄抱恨
何由祛蘭臺漆書非已責且爲籤牒除蠹魚

秋夜

湖海秋初到房櫺夜轉幽露濃驚鶴夢月冷伴蛩
愁生計依微祿年光墮遠遊巖澗已在眼早晚放

孤舟原註去年欲自三衢舟行泛七里瀨歸山陰今竟當爲此行也

雨夜

庭院蕭條秋意深銅鑪一炷海南沉幽人聽盡芭
蕉雨獨與青燈話此心

豐城高安之間憩民家景趣幽邃爲之慨然
懷歸

數家聚雲根。細路入叢薄。濺濺石渠水。來往一略
約。有無鄰里通。笑語婦子樂。濁醪時相就。青蔬缺
鹽酪。日暮歸閉門。績火星煜爚。先期畢租稅。老不
入城郭。嗟予獨何事。早插紅塵脚。故山未成歸。悵
望有餘恚。

寄奉新高令

小雨催寒著。客袍草行露。宿敢辭勞。歲饑民食糲。
糠。窄吏情官倉。鼠雀豪。只要閭閻寬。筆楚不須亭
障。肅弓刀九重屢下。丁寔詔。此責吾曹未易逃。

此真良二千石矣。察吏恤災安民。弭盜奉公。任職
入句中。色色具到。卻一氣渾成。不冗不腐。風雅遺
軌。何可多得。鶴林玉露載王十朋真德秀二詩。命
意雖同。而氣格相去遠矣。

予欲自嚴買船下七里灘。謁嚴光祠而歸。會
灘淺。陸行至桐廬。始能泛江。因得絕句。
桐廬縣前。鶻聲急。蒼煙茫茫。白鳥雙。亂山日落。潮
未落。勝絕不減吳松江。

風格絕佳

辛丑正月三日雪

開歲尙殘冬。佳哉雪意濃。潤歸千里麥。聲亂五更鐘。
簾隙收初密。牆隅積已重。龍團笑羔酒。狐腋襲駝茸。
危檻臨欹竹。幽窗聽墮松。忽思西戍日。憑堞待傳烽。
原註予從戎日嘗大雪中登興元城上高興亭待平安火至

龍團笑羔酒用陶穀事妙於不覺

雪霽歸湖上過千秋觀少畱

縱轡不嫌遠。逢山猶一登。夕陽陂渺渺。殘雪塙層層。
折竹橫遮道。饑鳥下啄冰。欲歸還小駐。倚杖對

峻嶒

題山家壁

山○中○無○傳○漏○猿○鳴○知○既○夕○芳○藤○上○幽○撥○素○月○照○高○
壁○主○人○殊○喜○事○歡○若○有○夙○昔○稚○子○檠○竹○檠○炊○黍○持○
餉○客○卜○隣○雖○未○辨○清○嘯○聊○自○適○衰○病○久○廢○詩○筆○端○
歎○荆○棘○

憶昔

憶昔浮江發劍南。夕陽船尾每相銜。楠陰暗處尋高寺。
荔子紅時宿下巖。
原註高寺在瀘州下巖在雲安軍 破口烹

猪。賽。龍。廟。沙。頭。伐。鼓。挂。風。帆。區。區。陳。迹。何。由。記。惟
有。征。塵。尙。滿。衫。

秋夜

秋。氣。侵。帷。夢。不。成。一。燈。西。壁。翳。還。明。風。高。露。井。無。
桐。葉。雨。急。煙。邨。有。雁。聲。擊。筑。誰。同。燕。市。飲。賃。春。方
作。會。稽。行。從。來。自。許。知。何。等。堪。歎。江。湖。白。髮。生。

涼。風。又。落。南。宮。木。老。雁。孤。鳴。漢。北。州。不。及。領。聯。之

含蘊

九月三日泛舟湖中作

兒。童。隨。笑。放。翁。狂。又。向。湖。邊。上。野。航。魚。市。人。家。滿。
斜。日。菊。花。天。氣。近。新。霜。重。重。紅。樹。秋。山。晚。獵。獵。青
帘。酒。香。隣。曲。莫。辭。同。一。醉。十。年。客。裏。過。重。陽。原註
予自庚寅至辛丑始見九日於故山

新寒

病。怯。新。寒。欲。不。禁。南。窗。擁。褐。夜。悵。悵。江。湖。跌。宕。送
餘。日。書。劍。蕭。條。孤。壯。心。杜。曲。新。愁。隨。斷。雁。遼。陽。遺
恨。入。疎。砧。此。懷。擬。向。何。人。說。賴。有。昏。燈。伴。苦。吟。

湖邨月夕

客路風塵化素衣。閑愁冉冉鬢成絲。平生不負月明處。神女廟前聞竹枝。

盧世灌曰：色相俱空。

橫塘

橫塘南北埭。西東拄杖飄然樂未窮。農事漸興人滿野。霜寒初重雁橫空。參差樓閣高城上。寂歷郵墟細雨中。新買一蓑苔樣綠。此生端欲伴漁翁。

原註

是日偶買蓑衣甚妙

蔬圃

山翁老學圃。自笑一何愚。硯瘠財三畝。勤劬賴兩奴。正方畦畫局。微潤土融酥。剪闢荆榛盡。鉏犁磊塊無。過溝橫略約。聚甃起浮屠。原註：拾園中瓦礫作小塢。隙地成瓜。援餘功及芋區。如絲細生菜似鴨爛。蒸壺此事。今真辨東歸不為鱸。

排比瑣事點染閑情。雖云遊戲亦斐亶可觀。

五雲門晚歸

高城帶遠林。落日動寒砧。行客自朝暮。青山無古今。衰遲慙逸氣。憂患足危心。溪迤滯歸艇。何時春

水深。

以高韻勝置盛唐人集中不復可辨

夜汲井水煮茶

病起罷觀書。袖手清夜永。四鄰悄無語。燈火正淒
冷。山童亦睡熟。汲水自煎茗。鏘然輓轆聲。百尺鳴
古井。肺腑凜清寒。毛骨亦蘇省。歸來月滿廊。惜踏
疎梅影。

寄朱元晦提舉

市聚蕭條極。邨墟凍餒稠。勸分無積粟。告糴未通

禾秋。流民望甚饑渴。公行胡滯留徵科得寬否。尙及麥

惻然仁者之言。四十字不愧古人。羅大經謂文公
於詩獨取放翁。以其氣質渾厚。殆未足以盡之。

宋史文公本傳。淳熙七年。浙東大饑。易提舉。湖
東常平茶鹽事。卽日單車就道。移書他郡募米。
商蠲其征。比至。部米已輻輳。與僚屬鉤訪民隱。
至廢寢食。雖深山窮谷。拊存不遺。事竣。宰相王
淮贊於上曰。熹荒政。乃行其所學。民被實惠。

乍晴風日已和泛舟至扶桑埭徘徊西邨久之

十日風雨今日晴衰病忽減思閑行接離一幅煙霧薄舴艋入尺鳧鷺輕亭亭孤塔遠天碧曲曲深巷斜陽明數家茅屋門晝掩不聞人聲聞碓聲身似龐公不入城東阡南陌餘生新年倘有豐年喜買酒漁邨看太平

攜瘦尊醉梅花下

楠瘦作尊容斗許擁腫輪困元媚嫵肯從放翁來

住山誰云置身不得所山房寂寞久不飲作意欲就梅花語我病鮮歡花更甚日暮淒涼泣殘雨人生萬事雲茫茫一醉常恐俗物妨正須仙人冰雪膚來伴老子鐵石腸花前起舞花底臥花影漸東山月墮瘦尊未竭狂未休笑起題詩識吾過

城西接待院後竹下作

水邊小邱因古城上有巨竹數百箇一徑蛇蟠不容脚平處乃可十客坐裊裊共看風枝舞蔌蔌時聽春籥墮古佛不粧香火冷瘦僧如腊袈裟破門

前西去長安路。日夜舳舻銜尾過。老夫本乏臺省
姿。且就清陰曲肱臥。

幽居春夜

暮景催人雪鬢雙。十年始復反吾邦。雲逢佳月每
避舍。酒壓閑愁如受降。三弄笛聲初到枕。一枝梅
影正橫窗。要知清夢遊何許。不釣桐江即錦江。
頸聯圓妙有彈丸脫手之樂

晨起

小雨溼清曉。新鶯啼早。春年光驚病眼。節物屬閑

身。已。破。東。連。楚。嶓。山。北。控。秦。遠。遊。端。可。繼。敢。恨。素
衣。塵。

春遊

平生樂行役。不耐常閉戶。今朝新雨霽。一笑整巾
履。青猿導幽蹊。春草伴微步。雖云尊酒薄。蔬果亦
略具。辛夷發高枝。楊柳吹墮絮。行歌不知遠。落日
呼野渡。橫林已棲鴉。淺水猶立鷺。歸來意頗豪。古
錦有新句。

八月十四日夜湖山觀月

長空露洗玻璃碧。紫金之盤徑三尺。忽看擘地出。
人閒桂樹扶疎如淡墨。攬衣獨立鏡湖邊。風露萬
頃秋渺然。開帆詎必入東海。騎鯨便可追飛仙。冰
壺玉漉侵骨冷。醉看孤鸞舞清影。夜闌歸舍人已
眠。卻倩天風爲吹醒。

奇語得自眼前轉。覺出人意表。

夜聞秋風感懷

西風一夜號庭樹。起攬戎衣淚濺襟。殘角聲催關
月墮。斷鴻影隔塞雲深。數篇零落從軍作。一寸凌

涼報國心。莫倚壯圖思富貴。英豪何限死山林。

草書歌

傾家釀酒三千石。閑愁萬斛酒不敵。今朝醉眼爛
巖電提筆四顧天地窄。忽然揮掃不自知。風雲入
懷。天借力。神龍戰野昏。霧腥奇鬼。摧山太陰黑。此
時驅盡胸中愁。槌牀大叫狂墮幘。吳牋蜀素不快
人。付與高堂三丈壁。

與醉後草書一篇各成奇致

夜泊水邨

腰閒羽箭久凋零。太息燕然未勒銘。老子猶堪絕
大漠。諸君何至泣新亭。一身報國有萬死。雙鬢向
人無再青。記取江湖泊船處。臥聞新雁落寒汀。
率多胸臆兼有氣。骨可為南渡君臣。慨然太息

自妙相歸將至杜浦堰舟中作

剝陽發東郭。初夜轉西城。寺閣疎鐘動。漁邨遠火
明。蒼茫林靄滅。撲澆水禽聲。漸喜吾廬近。遙聞過
球聲。

御選唐宋詩醇卷之四十五

山陰陸游詩四

目錄

秋興

三江舟中大醉作

樊江晚泊

秋夕

秋雨排悶十韻

寄題朱元晦武夷精舍

長安道

邨舍

幽居感懷

遲莫

自若聊溪舟行杭鏡湖而歸

骨相

感憤

晚出偏門

過杜浦橋

莊器之作招隱閣頭平父諸人賦詩予亦繼

作

溪上醉吟

雨中泊舟蕭山縣驛

初夏遊凌氏小園

題少陵畫像

初冬雜題

小雨

題徐淵子環碧亭亭有茶山曾先生詩

臨安春雨初霽

飲張功父園戲題扇上

小舟過御園

春遊絕句

雨後

夜汲

新霽城南舟中夜興

丙午五月大雨五日不止鏡湖渺然想見湖

未廢時有感而賦

早自烏龍廟歸

齋中閑咏

秋雨北榭作

焉耆行

園中絕句

晨過天慶

出城

夜登千峯榭

秋興

余年二十時嘗作菊枕詩頗傳於人今秋偶
復采菊縫枕囊悽然有感

東吳女兒曲

有爲予言烏龍高嶮不可到處有僧巖居不
知其年予每登千峯榭望之慨然爲作詩

楚宮行

妾命薄

四鼓酒醒起步庭下

秋霽

採藥

塞上曲

送潘德久使薊門

夜歸埽街巷書事

送張野夫寺丞牧滁州

夜歸偶懷故人獨孤景略

月下小酌

鄰曲有未飯被追入郭者憫然有作

題湖邊旗亭

寓懷

題千秋觀懷賀亭

樊江

練塘

歸次樊江

泛湖至東涇

邨居初夏

東關

七月一日夜坐舍北水涯戲作

以事至城南書觸目

梅花絕句

題瑩上人二畫

刻谿

吳江

山家莫春

自詠

蓬萊館午憩

夢遊散關渭水之間

秋夜

荷花

秋興

新晴

舍北望水鄉風物戲作絕句

禹跡寺南有沈氏小園四十年前嘗題小園
壁閒偶復一到而園已易主刻小闕於石讀
之悵然

小園

夜讀范至能攬轡錄言中原父老見使老多

揮涕感其事作絕句

醉臥松下短歌

探梅

題四仙像

冬晴閒步東邨由故塘還舍作

夜聞湖中漁歌

邨夜

野意

憶昔

感懷

<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

御選唐宋詩醇卷之四十五

山陰陸游詩四

秋興

樵風溪上弄扁舟。濯錦江邊憶舊遊。豪竹哀絲真
 昨夢。爽砧繁杵又驚秋。墜枝橘熟初堪剪。浮瓮醅
 香恰受籊。莫道身閑總無事。孤燈夜夜寫清愁。

三江舟中大醉作

志欲富天下。一身常苦饑。氣可吞匈奴。束帶向小
 兒。天公無由問。世俗那得知。揮手散醉髮。去隱雲

海涯風息天鏡平。濤起雪山傾。輕帆入浩蕩，百怪不可名。虹竿秋月鉤，巨鼇倘可求。滅迹從今逝，回看隘九州。

擬以太白便覺去人不遠

樊江晚泊

碧雲吞日天欲暮。城西捩柁城東路。蓴羹菰飯香滿船。正是江頭落帆處。荻洲漁火遠更明。煙水蒼茫聞雁聲。不是綠尊能破悶。白頭客路若爲情。

秋夕寄懷徐六四十五

羈魂虛仗些詞招。病骨那禁積毀消。亂葉打窗寒有信。昏燈照幔夢無聊。棧邊老驥心空在。鬢下殘桐尾半焦。百感忽生推枕起。碧霄銀漢正迢迢。深於此興怨而不怒

秋雨排悶十韻

今夏久無雨。從秋卻少晴。空濛迷遠望。蕭瑟送寒聲。衣潤香偏著。書蒸蠹欲生。壞簷聞瓦墮。漲水見隄平。溝溢池魚出。天低塞雁征。螢飛明闇廡。蛙鬧雜疎更。藥醖時須焙。舟閑任自橫。未憂荒楚菊。直

恐敗吳杭夜永燈相守愁深酒細傾浮雲會消散
鼓笛賽西成

方回曰字字工穩

寄題朱元晦武彝精舍

先生結屋綠巖邊讀易懸知屢絕編不用采芝驚
世俗恐人謗道是神僊

身閑剩覺溪山好心靜尤知日月長天下蒼生未
蘇息憂公遂與世相忘

惟朱子稱此詩惟此詩可寄朱子所云詩中有人

者

長安道

千夫登登供版築萬手丁丁供斲木歌樓舞榭高
入雲複幕重簾晝燒燭中使傳宣騎飛鞚達官候
見車擊轂豈惟炎熱可炙手五月瞿唐誰敢觸人
生易盡朝露晞世事無常壞陂復士師分鹿真是
夢塞翁失馬猶為福君不見野老八十無完衣歲
晚北風吹破屋

言抵藥石體合風雅

邨舍

空谷人稀到。新寒病頓輕。晨霜催小獵。宿雨潤新耕。草莽秦馳道。雲煙越故城。千年不磨滅。惟有暮山橫。

有俯仰千古之感。句法亦逼老杜。

幽居感懷

偶傍楓林結數椽。東歸也復度流年。汀洲雁下依殘水。墟里人行破夕煙。十月風霜欺客枕。五更鼓角滿江天。散關清渭應如昨。回首功名一愴然。

遲暮

遲暮固多感。况此歲崢嶸。霜霰忽已集。夜聞絡緯鳴。青燈不解語。依依有餘情。銅瓶煮寒泉。中作笙簫聲。沈憂能傷人。一夕白髮生。蓬萊渺雲海。金丹幾時成。

自若耶溪舟行杭鏡湖而歸

換馬亭前煙火微。鬪牛橋畔行人稀。雲山慘澹少顏色。霜日清薄無光輝。新酒芻成桑正落。美人信斷雁空歸。高樓何處吹長笛。清淚無端又溼衣。

從遠居牙言四 卷四三 骨相 感憤

詞意清婉風調致佳

骨相

骨相元知薄功名敢自期病侵疆健日閑過聖明
時形勝輪臺地飛騰瀚海師江湖雖萬里猶擬綴
聲詩

意自深深非關骨相

感憤

今皇神武是周宣誰賦南征北伐篇四海一家天
歷數兩河百郡宋山川諸公尚守和親策志士虛

捐少壯年京洛雪消春又動永昌陵上草芊芊
大聲疾呼氣浮紙上諸將五首之嫡嗣也

盧世淮曰南渡樂於偏安誰能念此

晚出偏門

一段新愁帶宿醒半欹烏帽策驢行邨墟香動梅
初破裘褐寒輕雪未成渡口人爭紅日晚沙邊雁
帶碧煙橫悠然又覓長隄路腸斷城樓畫角聲

過杜浦橋

橋北雨餘春水生橋南日落暮山橫問君對酒胡

晚出偏門 過杜浦 卷四之五

荷邊唐詩言四 卷五 橋 招隱閣 溪土醉吟 五

不樂聽取菱歌煙外聲

莊器之作招隱閣項平父諸人賦詩予亦繼作

諸公共賦反招隱細字斜行肯見傳語到淮南小山作人如江左永和年一窗蘿月禁春瘦萬壑松風撼晝眠我亦尙嫌林谷淺因君更擬斷雲煙

溪上醉吟

行行不知溪路深但怪素月生遙岑不辭醉袖拂花絮與子更醉青蘿陰

雨中泊舟蕭山縣驛

端居無策散閑愁聊作人間汗漫遊晚笛隨風來倦枕春潮帶雨送孤舟店家菰飯香初熟市擔蓴絲滑欲流自笑勞生成底事黃塵陌上雪蒙頭

春潮七字與蘇州各成妙句

初夏遊凌氏小園

水滿池塘葉滿枝曲廊危榭愜幽期風和海燕分泥處日永吳蠶上簇時閑理阮咸尋舊譜細傾白墮賦新詩從來夏淺勝春日兒女紛紛豈得知

原註

陸游 雨中泊舟 初夏遊

庾信詩云夏淺卻勝春
鏡湖遊人至立夏而止

題少陵畫像

長安落葉紛可埽。九陌北風吹馬倒。杜公四十不成名。袖裏空餘三賦草。車聲馬聲喧客枕。三百青銅市樓飲杯殘。肉冷正悲辛。仗內鬪雞催賜錦。

初冬雜題

莫嫌風雨作新寒。一樹青楓已半丹。身在范寬圖畫裏。小樓西角剩憑闌。

小雨

細細溼春光。霏霏破夕陽。臥聞驚倦枕。起看入虛堂。映葉鶯猶囀。爭泥燕正忙。閑愁無遣處。誰與共飛觴。

工於賦物不落纖巧

題徐淵子環碧亭亭有茶山曾先生詩

茶山丈人厭囂譁。幅巾每訪博士家。小亭談笑不知暮。往往城上聞吹笳。興來傑作粲珠壁。歲久妙墨亡龍蛇。郎君弟子多白髮。回頭日月如犇車。徐卿赤城古仙子。十年四海推才華。覽觀陳迹喜不

寐旋補罅漏支傾斜。曲池還浸古來月。叢莽忽見當時花。重題舊句照高棟。力振風雅排淫哇。席間紵袍已散鵠。堂上講鼓初停撾。速宜力置竹葉酒。不用更淪桃花茶。原註桃花茶見會公詩

臨安春雨初霽

世味年來薄似紗。誰令騎馬客京華。小樓一夜聽春雨。深巷明朝賣杏花。矮紙斜行閑作草。晴窗細乳戲分茶。素衣莫起風塵歎。猶及清明可到家。

領聯團轉脫口而出一涉湊泊失此語妙

瞿佑曰陳蘭齋詩云客子光陰詩卷裏杏花消息雨聲中陸放翁詩云小樓一夜聽春雨深巷明朝賣杏花皆佳句也葉靖逸詩云春色滿園關不住一枝紅杏出牆來戴石屏詩云一冬天氣如春暖昨日街頭賣杏花句意亦佳可以追及之

盧世灌曰三四有唐人風韻

方回曰臨安春雨初霽一首劔南集編在嚴州朝辭時所作後邨詩話乃謂妙年行都所賦思

陵賞音似誤

飲張功父園戲題扇上

寒食清明數日中西園春事又匆匆。梅花自避新。桃李不為高樓一笛風。

寓意雖刻自足風調

盧世淮曰翻案妙有諷意

小舟過御園

聖主憂民罷露臺。春風別苑晝常開。盡除曼衍魚龍戲。不禁芻蕘雉兔來。水鳥避人橫翠靄。宮花經

雨委蒼苔。殘年自喜身强健。又作清都夢一回。

善於立言

春遊絕句

一百五日春郊行。三十六溪春水生。千秋觀裏逢急雨。射的峯前看晚晴。

原註自秦望山而北合三十六溪水為若耶溪

雨後

礎潤還成雨。雲收旋作晴。巖花分日發。林筍逐番生。筆硯行常具。軒窗晚更明。塵埃幸不到。那得廢詩情。

夜汲

酒渴起夜汲。月白天正青。銅瓶響寒泉。聞之心自醒。井邊雙梧桐。映月影離離。上有獨棲鵲。細爪握高枝。我欲畫團扇。良工不可求。三歎捐庭楯。浩然風露秋。

落落有古意

新霽城南舟中夜興

身是江湖不繫船。雨餘隨處一翛然。浮雲盡斂出青嶂。孤月徐升行碧天。收網漁歌移別浦。隔城塔

影落前川。明朝閑就平洲飲。巾履追涼又一年。

丙午五月大雨五日不止鏡湖渺然想見湖

未廢時有感而賦

朝雨暮雨梅正黃。城南積潦入車箱。鏡湖無復鉞青秧。直浸山脚白茫茫。湖三百里漢訖唐。千載未嘗廢陂防。屹如長城限胡羌。嗇夫有秩走且僵。旱有灌注水何傷。越民歲歲常豐穰。泆湖誰始謀不臧。使我婦子饜糟糠。陵遷谷變亦何常。會有妙手開湖光。蒲魚自足被四方。煙艇滿目菱歌長。

有關國計民生非尋常歌詠可比

山陰志鏡湖綿跨二縣周迴三百五十八里東漢馬臻始築塘蓄水溉田九千餘頃迄於宋民甚利之祥符以來並湖之民盜湖為田熙寧中遣使至越不能復湖後遂盡廢為田皆已陞科議復古以興水利者常惜之而勢不可行會稽志張元忬曰忬按諸家所論前乎漢而無海塘則鏡湖不可不築後乎宋而有海塘則鏡湖可以不復近者三江之閘其益百倍於海塘

惟時其啟閉以常謹水利之大綱而於外塘務完之內流務濬之以時修水利之細目則受利不止一會稽矣又何鏡湖之足論乎

早自烏龍廟歸

殘漏聲中聽曳鈴。翩翩吹帽出郊坰。雨餘澗落雙虹白。雲合山餘一髮青。鐵馬蹴冰悲昨夢。朱顏辭鏡感頽齡。歸來獨對空齋冷。鳥迹蒼苔自滿庭。

齋中閑咏

風號萬物作濤聲。雲截千峯似几平。多病支離仍

老境暮秋蕭瑟更山城。燕觴久罷塵痕積。庭訟全稀。薛暈生。莫道齋中日無事。焚香掃地。又詩成。

六句可謂深穩

秋雨北榭作

秋風吹雨到江濱。小閣疎簾曉色分。津吏報增三尺水。山僧歸入萬重雲。飄零露井無杉。斷續煙汀有雁羣。了卻文書早尋睡。檐聲偏愛枕閒聞。方回曰此嚴陵郡圃也。三四極工而活。

焉耆行

焉耆山頭暮煙紫。牛羊聲斷行人止。平沙風急捲寒蓬。天似穹廬月如水。大胡太息小胡悲。投鞍欲眠且復起。漢家詔用李輕車。萬丈戰雲來壓壘。焉耆山下春雪晴。莽莽惟有蒺藜生。射麋食肉飲其血。五穀自古惟聞名。樵蘇切莫近亭障。將軍臥護真長城。十年牛馬向南睡。知是中原今太平。

園中絕句

溪北溪南飛白鷗。夕陽明處見漁舟。憑誰為剪機中素。畫取天涯一片秋。

晨過天慶

蘿月挂團壁。松風號急灘。孤燈經院曉。殘雪醮壇寒。賸欲閑扶杖。何妨醉墮冠。詩成與不盡。萬里跨青鸞。

三四語意工絕。與棋聲花院靜。幡影石壇高。不可軒輕。

出城

翩翩烏帽出林垌。掠面風微酒半醒。戍火難尋王闕夢。衣塵空愧草堂靈。天晴山雪明城郭。水漲江

流近驛亭。客鬢不如隄上柳。數枝春動又青青。

夜登千峯榭

夷甫諸人骨作塵。至今黃屋尙東巡。度兵大峴非無策。收泣新亭要有人。薄釀不澆胷壘塊。壯圖空負膽輪囷。危樓插斗山銜月。徙倚長歌一愴神。

從空而下氣象高遠。歸咎王呂自是千古公論。

潘問奇曰。劔南詩操觚家奉之如拱壁。然一時所爲翕然者。不過喜其陶寫風雲流連月露而已。而其惓惓宗國。徘徊纏綿。顧未有及之者。予

爲一一標識之使知先生當日傷半壁之無依
痛兩宮之不返終天歎悼不徒區區景物閒也
比少陵庶幾一飯不忘之誼云

秋興

孤城寂寞近江千處處疎礧送早寒水落纔餘半
篙綠霜高初染一林丹民租屢減追胥少吏責全
輕法令寬偶有一樽聊獨醉強授黃菊助清歡

余年二十時嘗作菊枕詩頗傳於人今秋偶
復采菊縫枕囊悽然有感

采得黃花作枕囊曲屏深幌閤幽香喚回四十三
年夢燈暗無人說斷腸

少日曾題菊枕詩蠹編殘稟鎖蛛絲人間萬事消
磨盡只有清香似舊時

黯然自傷與沈園二絕所感同而詞亦並工蓋發
乎情者深也

東吳女兒曲

東吳女兒語如鶯十三不肯學吹笙鏡奩初喜穉
蠶出窗眼已看雙繭成庭空日暖花自舞簾卷巢

徐選唐文詩體 卷五 女兒曲 登千峯閣 楚宮行

乾○燕○新○乳○阿○弟○貪○書○下○學○遲○獨○揀○詩○章○教○鸚○鵡○

絕似皮陸

有為予言烏龍高嶮不可到處有僧巖居不

知其年子每登千峯榭望之慨然為作詩

樵○子○向○予○說○有○僧○巢○翠○微○巖○屏○雲○共○宿○錫○杖○鶴○同○

飛○日○暮○松○明○火○天○寒○榭○葉○衣○乘○官○從○此○逝○非○子○尚○

誰歸

楚宮行

漢水方城一何壯太路並馳車百兩軍書插羽擁

修○門○楚○王○正○醉○章○華○上○璇○題○藻○井○窮○丹○青○玉○笙○寶○

瑟○聲○冥○冥○忽○聞○命○駕○遊○七○澤○萬○騎○動○地○如○雷○霆○清○

晨○射○獵○至○中○夜○蒼○兕○元○熊○紛○可○藉○國○中○壯○士○力○已○

殫○秦○寇○東○來○遣○誰○射○

妾命薄 原註太白作此篇言長門宮事予反之

妾○命○薄○早○入○天○家○侍○帷○幄○君○王○勤○儉○省○宴○遊○寶○柱○

未○弦○塵○漠○漠○日○長○別○殿○承○恩○稀○吁○是○猶○聞○親○萬○機○

宮○中○雖○無○珠○玉○賜○塞○上○不○見○煙○塵○飛○不○須○悲○傷○妾○

命○薄○命○薄○卻○令○天○下○樂○

陸游 妾命薄 酒醒起步 卷四 七五

高處立澗處行

四鼓酒醒起步庭下

酒解夜過半。出門步中庭。天高河漢白。月澹煙霧青。重滴竹杪露。疎見樹罅星。瓚啼寒蟄深。竹明孤螢秋。晚雖未霜。蠹葉時自零。四序逝不畱。慨然感頽齡。平生茅一把。不博帶萬釘。鳴溝謝拍拍。鴻路追冥冥。

秋霽

灝氣明山川。霽色滿天地。西風吹我衣。忽有萬里

意。中原運當平。所要在得士。餘年猶幾何。棄置復棄置。

短幅森嚴中極頓挫之妙

採藥

箕子編成細箬新。獨穿空翠上嶙峋。丹砂巖際朝曦日。枸杞雲間夜吠人。絡石菖蒲蒙綠髮。纏松薜荔長蒼鱗。金貂謁帝我未暇。且作人閒千歲身。

塞上曲

將軍許國不懷歸。又見桑乾木葉飛。要識君王念

征戌新秋已報賜冬衣

自合唐音

送潘德久使薊門

崑崙東分一枝渾。犇蹴砥柱經龍門。羲皇受圖撫
上古神禹治水開中原。三靈實扶藝祖業萬國共
仰東都尊羣兒撞壞吁可歎。顧使殘虜今遊魂。因
君試求出師路。孟津白馬應如故。不須更議繫河
橋北風正可乘冰渡。頗聞盧龍已數盡。復道飛狐
合屯戍。轅門倘駐拂雲祠。烽火應過明妃墓。君歸

解鞍藉芳草。細談塞北忘。予老讀書飲酒待賊平。
萬丈旄頭方下埽。

老驥伏櫪志在千里游。豈須與忘恢復者况觸事
感懷耶。端莊雜流麗剛健含婀娜。可以語此詩之
妙。

夜歸粵街巷書事

近坊燈火如晝明。十里東風吹市聲。遠坊寂寂門
盡閉。只有煙月無人行。誰家小樓歌惱儂。餘響縹
緲縈簾櫳。苦心自古乏真賞。此恨略與吾曹同歸。

來空齋臥淒冷。燈前病骨巉巉影。獨吟古調遣誰聽。聊與梅花分夜永。

送張野夫寺丞牧滁州

皇天方憂九州裂。建隆真人仗黃鉞。陣雲冷壓清流關。賊壘呻吟氣如髮。逋誅猶虜入檻車。北風吹乾草頭血。一龍上天三百年。舊事空聞遺老說。金印斗大誰作州。公子玉面蒼髯虬賦詩。健筆挾風雨。論兵辯舌森戈矛。別君帳飲灞橋頭。長歌為君寬旅愁。戰場遺迹儻可畫。尺素寄我關河秋。

唐之孑孫不能以天下取河北志士之慨於言外見之

夜歸偶懷故人獨孤景略

買酒邨場半夜歸。西山落月照柴扉。劉琨死後無奇士。獨聽荒雞淚滿衣。

觸緒長嗟言在此而意在彼十四字中波瀾甚潤賀裳詩話乃謂務觀才具無多意境不遠惟善寫眼前景物豈非但見方隅者耶

月下小酌

從選唐詩卷之五 鄰曲未飯被追入郭 之十八

草樹已秋聲。郊原喜晚晴。風生雲盡散。天濶月徐行。下箸槎頭美。傳杯甕面清。追歡猶可勉。徂歲不須驚。

鄰曲有未飯被追入郭者憫然有作

春得香秔摘綠葵。縣符急急不容炊。君王日御金華殿。誰誣周家七月詩。

親民之官莫如守令。與人主共養百姓。同休戚者其惟良吏乎。漢治之稱文景。有以也。

題湖邊旗亭

春色初回杜若洲。佳人又典鸛裘。八千里外狂漁父。五百年前舊酒樓。渡口遠山顰翠黛。天邊新月挂瓊鉤。回頭笑向紅塵說。也有閑愁到此不。

落筆豪俊宋人常問人云君詩中有幾酒樓此亦一酒樓也

寓懷

脫粟未為饑。短褐未為寒。眾毀心自可。身困氣愈完。茆屋雖三間。跌坐則已寬。濁酒不滿瓢。浩歌有餘歡。祿食妻子樂。功名後人看。成敗兩蝸角。貴賤

御選唐詩卷之五 陸游 題湖邊旗亭 寓懷 九 卷四十五

一鼠肝。芒芒百年夢。底物堪控搏。不如學餐霞。駐
此雙頰丹。行披終南雲。飛渡黃河湍。巋然過空城。
人言古長安。霜露蒙荆榛。喟然增永歎。

國恥未雪。此老終身大恨固。其忠義所結。然言之
頻數。亦為筆墨之累。此乃別有波瀾。言盡而意不
盡。

題千秋觀懷賀亭

河湟使典珥左貂。曲江相君謝不朝。宮中玉環狐
作妖。點虜旁窺心已驕。天維欲絕地軸搖。有識凜

凜憂宗祧。賀公託言師。松喬黃冠徑歸侶。漁樵老
馬立仗不自聊。去如鸞鳳冲煙霄。傾都祖餞擁渭
橋。賢哉大夫脫塵囂。揚州渡江木蘭橈。入東夜聽
錢塘潮。我來故祠竹蕭蕭。黃冠野服傳生綃。詞卑
媿匪英瓊瑤。空采蘋藻奠桂椒。虛堂斷香閉寂寥。
遺魂零落何由招。

論古別有見解

樊江

手中一卷養魚經。又向樊江上草亭。朝雨染成新

御選唐宋詩醇 卷四十五 樊江
漲綠春煙澹盡遠山青榜舟不厭頻來往岸幘常
須半醉醒賦罷新詩自高詠滿汀鷗鷺欲忘形

目饒雅韻

練塘

微風吹頰酒初醒落日丹橫杜若汀水秀山明何
所似玉人臨鏡暈螺青

歸次樊江

芳草東西路綠楊長短亭人生豈匏繫吾志本鴻
冥征袖朝霑雨歸帆夜戴星長魚幸能買且復倒

殘瓶

泛湖至東涇
春水六七里夕陽三四家兒童收鵝鴨婦女治桑
麻地僻衣巾古年豐笑語諱老夫維小艇半醉摘
藤花

邨居初夏

天遣爲農老故鄉山園三畝鏡湖傍嫩莎經雨如
秧綠小蝶穿花似繭黃斗酒隻雞人笑樂十風五
雨歲豐穰相逢但喜桑麻長欲話窮通已兩忘

後漢書 卷之三十一 初夏 東關 夜坐水涯 三

盧世漼曰此景真不可多得

東關

煙水蒼茫西復東。扁舟又繫柳陰中。三更酒醒殘
燈在。臥聽蕭蕭雨打蓬。

七月一日夜坐舍北水涯戲作

兀傲胡牀酒半醒。釣筒收盡數舟橫。風生細葛無
三伏。月上疎林正四更。北斗離離低欲盡。明河脈
脈去無聲。斥僊豈復塵中戀。便擬騎鯨返玉京。
以星河供點染。少加運用便有景有情。

以事至城南書觸目

十里西風吹帽帚。江城衣杵遠猶聞。路如劍閣逢
秋雨。山似廬峯鎖暮雲。原上老翁眠犢背。籬根小
婦牧羊羣。百錢且就邨場醉。舌本醇醪莫苦分。

感舊意正以不露為佳

梅花絕句

憶昔西戍日。夜宿僊人原。風吹野梅香。夢繞江南
邨。
低空銀一鈎。糝野玉三尺。愁絕水邊花。無人問消

陸游 以事至城南 梅花 三

御選唐詩 卷四 吳江

息

題瑩上人二畫

天地又秋風。谿山憶刻中。孤舟幸閑著。借我訪支公。

右刻谿

曉聽楓橋鐘。暮泊松江月。斯人亦可人。淡墨寫愁絕。

絕

右吳江

山家暮春

遠屋清陰合。綠堤綠草纖。起蠶初放食。新麥已磨鎌。苦筍先調醬。青梅小蘸鹽。佳時幸無事。酒盡更須添。

瑣事老筆

自詠

萬事不挂眼。終年常避人。荒畦荷鋤晚。環堵結茆新。病馬何勞斥。輕鷗未肯馴。雖慙市門卒。聊作葛天民。

蓬萊館午憩

御選唐詩 卷四 陸游 山家暮春 自詠 三 卷四 五

御選唐詩 卷之四 蓬萊館 遊散關渭水之間

驛門繫馬聽蟬吟。翻動平生萬里心。橋畔笛聲催
日落。城邊草色帶煙深。關河歷歷功名晚。歲月悠
悠老病侵。憶戍梁州如昨日。憑闌西望一沾襟。

盧世灌曰悲壯

夢遊散關渭水之間

平生望眼怯天涯。客裏何堪度歲華。但恨征輪無
四角。不愁客路有三叉。驛窗燈闇傳秋杵。關樹煙
深宿暮鴉。叱犢老翁頭似雪。羨渠生死不離家。

完題簡淨

秋夜

清夜不成寐。出門還浩歌。斷雲微翳月。薄露不傾
荷。絡緯知時早。梧桐柰汝何。非關老懷惡。秋物感
人多。

荷花

風露青冥水面涼。旋移野艇受清香。猶嫌翠蓋紅
粧句。何況人言似六郎。

隨手翻新居然佳語

秋興

御選唐詩 卷之四 陸游 秋夜 荷花 秋興 二首 卷之四

老子雖貧未易量。風流猶在小茆堂。蒲萄錦覆桐
孫古。鸚鵡螺斟玉。漉香千點荷。聲先報雨。一林竹
影剩分涼。秋來便有欣然處。新種蓴絲已滿塘。

新晴

積雨已淒冷。新晴還少和。稼收平野濶。木落遠山
多。土潤朝畦菜。機鳴夜擲梭。時清年歲好。吾敢歎
蹉跎。

盧世漣曰。領聯自是佳句。

舍北望水鄉風物戲作絕句

西風沙際矯輕鷗。落日橋邊繫釣舟。乞與畫工團
扇本。青林紅樹一川秋。

禹跡寺南有沈氏小園。四十年前嘗題小閨
壁。閒偶復一到。而園已易主。刻小閨於石。讀
之悵然。

楓葉初丹。榭葉黃。河陽愁鬢怯新霜。林亭感舊空
回首。泉路憑誰說。斷腸壞壁醉題塵。以漠斷雲幽
夢事。茫茫年來妄念消除盡。回向禪龕一炷香。

周密曰。放翁娶唐氏於其母為姑姪而不相得。

出之後改適趙士程嘗以春日出遊相遇於禹
跡寺南之沈氏園唐以語趙遣致酒肴翁悵然
久之為賦釵頭鳳詞題園壁閒集中紅酥手黃
藤酒一闋是也唐氏見而和之未幾下世

小園

窄窄柴門短短籬山家隨分有園池客因問字來
攜酒僧趁分題就賦詩晨露每看花蕊坼夕陽頻
見樹陰移原註此二事非拂衣司諫猶忙在此趣
淵明卻少知

唐世淮曰閑情逸事惟世外人知之

夜讀范至能攬轡錄言中原父老見使者多
揮涕感其事作絕句

公○卿○有○黨○排○宗○澤○帷○幄○無○人○用○岳○飛○遺○老○不○應○知
此○恨○亦○逢○漢○節○解○沾○衣

南渡之不振實由於此扼腕而言自成高調

醉臥松下短歌

披○鹿○裘○枕○白○石○醉○臥○松○陰○當○月○夕○寒○藤○天○矯○學○草
書○天○風○蕭○森○入○詩○律○忽○然○夢○上○百○尺○顛○綠○毛○邂逅

巢雲仙相攜大笑咸陽市。俯仰塵世三千年。

造語入妙

探梅

我遊東邨衝暮煙。斷橋流水鳴濺濺。欲尋梅花作
一笑。數枝忽到拄杖邊。高標元合著山澤。絕豔豈
復施丹鉛。定知曾授餐玉法。不爾恐是凌波仙。錦
江賦詩忽萬里。蓬山把酒今三年。相逢風味宛如
昨。人生何者非前緣。頗思取醉極清賞。杖頭幸有
百許錢。但判插破烏紗帽。莫記吹落黃金船。

趣極自然調亦清婉

題四仙像

原註
子訓

世上年光東逝波。咸陽銅狄幾摩挲。神仙不死成
何事。只向秋風感慨多。

冬晴閒步東邨由故塘還舍作

紅藤拄杖獨相羊。路遠東邨小嶺傍。水落枯萍粘
蟹。原註鄉人植竹以雲開寒日上魚梁。洛陽二
頃言良是光範三書計。本狂厯盡危機識天意。要
令閑健返耕桑。

徐選唐詩卷四 步東邨 夜聞湖中漁歌 三

方回曰五六善用事蟹蝦句尤新

盧世灌曰瑣事寫來亦新緻

祖應世曰一路細細領略淺蹠人安能有此

夜聞湖中漁歌

夢回一燈翳復明。臥聞湖上漁歌聲。嗚嗚乍低忽
更起。嫋嫋欲斷還微縈。初隨缺月墮煙浦。已和殘
角吹江城。悲傷似擊漸離筑。忠憤如撫桓伊箏。放
臣萬里憂國淚。戍客白首懷鄉情。峽猿失侶方獨
宿。沙雁垂翅猶遐征。巴巫竹枝短亭晚。瀟湘欸乃

孤舟橫世閒。此恨故相似。使我百感何由平。

一氣排宕有風雨驟至之勢。只用一語收結。老氣無敵。

邨夜

寂寂山邨夜。悠然醉倚門。月昏天有暈。風軟水無
痕。迹爲遭讒遠。身由不仕尊。敢嗟車馬絕。同社自
雞豚。

潘問奇曰風軟水無痕未經人道

野意

隄長逾十里。邨小只三家。山客弛樵擔。溪翁鳴釣。車花深迷蝶夢。雨急散蜂衙。衰疾新年減。青鞵上若耶。

憶昔

憶昔西征日。飛騰尙少年。軍書插鳥羽。戍壘候狼煙。渭水秋風夜。岐山曉雪天。金鞵馳叱撥。繡袂舞嬋娟。但恨功名晚。寧知老病纏。虎頭空有相。麟閣竟無緣。壯士埋巴峽。原註獨孤策孤身臥海壖。安西九千里。孫武十三篇。裘歎蘇秦弊。鞭憂祖逖先。何時

聞詔下。遣將入幽燕。

筆力健舉

感懷

卜居鏡湖上。一菴環翠屏。竹林藏谿谷。嶺路蟠青冥。騫騰立奇石。嶄絕瞻危亭。車馬雖蹄迹。猿鳥與忘形。我行半九州。踟躕盡芒屨。青豈知雪滿鬢。於茲做雲局。丹砂收翦鏃。扶苓斲人形。遼天渺歸鶴。一瞬三千齡。殘年迫衰謝。嬰疾歸鄉枌。諸賢渡江初。總角幸有

御選唐宋詩四卷五
聞才非楚倚相亦能讀典墳夫豈或使之後死與
斯文世儒鑿戶牖道術將瓜分孤陋守一說百氏
殆可焚後來豈無人鼻聖誰揮斤巍巍貞觀治房
魏出河汾

文集答劉主簿書前輩之學積小以成大以所
有易所無以能問於不能故其久也汪洋浩博
該極百家而不可涯涘諸名勝渡江去前輩尙
未甚遠故此風猶不墜三二十年來士白爲哇
吟甚狹已所未知者輒訕薄之以爲不足學詆

窮經者則曰傳註已盡矣詆博學者則曰不知
無害爲君子嗚呼陋哉

